



## SIPA provela akciju



Pripadnici SIPA-e postupali po naredbi Tužilaštva (Foto: ilustracija)

# Uhapšen jer je otkrio identitet svjedoka

Osoba M. O., navodno, prepoznala zaštićenog svjedoka kao svog rođaka

Postupajući po naredbi Tužilaštva BiH, Državna agencija za istrage i zaštitu (SIPA) u nedjelju je na području Sarajeva uhapsila M. O. (1974.) pod sumnjom da je počinio krivično djelo otkrivanja identiteta zaštićenog svjedoka O1, koji je pred Sudom BiH svjedočio u slučaju optuženog ratnog komandanta Srebrenice Naser Orića.

Prema nezvaničnim informacijama, uhapšeni M. O. najbliži je srodnik zaštićenog svjedoka O1, koji je svog rođaka prepoznao po

informacijama koje je ovaj iznosio tokom svjedočenja.

- Srebreničani i Bratunčani koji su prisustvovali raspravi na kojoj je svjedočio svjedok O1, slušajući šta govori taj svjedok, prepoznali su o kome se radi, a posebno uhapšeni M. O., koji je također pratio suđenje - kaže „Avazov“ izvor iz Tuzle, koji je, također, prisustvovali raspravi kada je svjedočio svjedok O1.

Osumnjičeni M. O. nakon kriminalističke obrade predat je Tužilaštvu BiH na daljnje postupanje. **A.H.**